

# تورکیا بویوک ملت مجلسی

## ضبط سابق

یوزاللی اوچنجی اجتماع

مندرجات

اوراق وارده:

مأذونیت حقنہ دیوان ریاست مقرراتی  
سؤال تقریر لرینہ مورد جوابلر

برنجی جلسہ

رئیس — ایکینجی رئیس وکیلی فائق بک افندی  
کاتبلر — عاطف بک (قیصری)، محمود سعید بک (موش)  
۲ شباط ۳۳۸ پنجشنبہ ساعت ۱،۵ صکرہ

تسکلیفی واردر • لایحه انجمنہ کوندر نیورز •  
ہیأت وکیلہ دن مورد ملازم ثانی عبداللطیف افندی  
حقنہ کی اوراق، عدلیہ انجمنہ کیدیور •  
ملازم ثانی زین العابدین افندی حقنہ کی اوراق، عدلیہ  
انجمنہ کیدیور •

رئیس — مدافعہ ملیہ وکالتنک دیوان تمیز عسکری  
قانوننک بر آن اول مذاکرہ سنہ دائر تذکرہ سی وار •  
قانون جمعہ ایرتسی کونکی روزنامہ مزہ آلمشدرہ افندی  
رئیس — دیوان ریاستک بعض مقرراتی واردر •

ہیأت عمومیہ

مالطہدہ موقوف بولنان بویوک ملت مجلسی اعضای

رئیس — افندی! جلسہ یی آچیورم • ضبط سابق  
اوقونہ جق (ضبط سابق خلاصہ سی اوقوندی)  
ضبط سابق حقنہ مطالعہ واری؟ (یوق سسلری)  
ضبط سابق عیناً قبول اولندی •

اسعد بک (لازستان) — بندہ کز مأمورین محاکمات  
انجمنہ، بردہ محاکمات ہیئتہ تعیین اولنشم • طبیعی ہر ایک  
طرفدہ بولنمق جاڑ اولہ ماز • مأمورین محاکمات انجمنہ  
بولنہ میہ جقم • ہیئتہ بولنمقی ترجیح اییدیورم •

رئیس — ضبط سابق حقنہ باشقہ مطالعہ واری  
افندی؟ ضبط سابق قبول اولندی •

طونہ لی حللی بک تنظیم انجمنی تشکیلی حقنہ بر

رئیس — بکر سامی بکک طیب راپورینه مستنداً  
ایتالیایه کیتمک اوزره آتی آی مآذونیتی قبول ایدنلر  
لطفاً ال قالدیرسون ! قبول ایدلمشدر . اقدم .

صالح افندی ( ارضروم ) — رئیس بک ! تکلیف  
ایدیورم . کچن دفعه کیتدیکی وقت کندیسنه خرجراه  
ویرلمشدر . هیچ اولمازسه مشهوداتی تبعاتی بزه خلاصه  
سویلهسون .

رئیس — اورفه مبعوثی بوزان بک تمیداً ایکی آی  
یکرمی بر کون مآذونیت طلب ایدیور . قبول ایدنلر  
لطفاً ال قالدیرسون ! قبول ایدلمشدر .

عونى بك ( صاروخان ) عودت ایتمک اوزره یوله  
چیمش ، خسته لشمس بر آی مدله تداوی به محتاجدر .

بصرى بك ( قره سی ) — رئیس بک ! بر مسئله دن  
دولانی کندیسنک شاهد صفتیه استجوابنه لزوم  
کورولمشدر . بومسئله اونک کلمسه تعلیق ایدلدی . بناءً  
علیه ؛ عونى بکک بر آن اول مجلسه کلمی شعبه ده بولنان  
مسئله معلقه یی انتاج ایتسی لازمدر . مآذونیت ویرمیه لم .  
رئیس — مآذونیتی بیتمک اوزره در . برکانون تانی  
تاریخندندر . اوزمانه قدر کله جکدر . قبول ایدنلر لطفاً  
ال قالدیرسون ! قبول ایدلمشدر .

عارف بك ( قونیه ) طیب راپورینه مستنداً تمیداً  
بر آی مآذونیت ایسته یور . قبول ایدنلر لطفاً ال قالدیرسون !  
قبول ایدلمشدر اقدم .

مصطفى بك ( آنطالیه ) تمیداً بر بچق آی مآذونیت  
طلب ایدیور . قبول ایدنلر لطفاً ال قالدیرسون !  
قبول ایدلمشدر . اقدم .

هیئت عمومی به

مآذونیتی ۸ ایلول ۳۷ ده ختام بولادینی حالده مجلس  
عالی به اون کون تجاوزله ۱۸ ایلول ۳۳۷ ده التحاق ایتمش  
اولان لازستان مبعوثی دو قوتور عابدین بکک اشوتجاوزینک  
سنه ظرفنده کی مآذونیتنه محسوبنه دأر تقریری دیوان  
ریاستک ۱ شباط ۳۳۸ تاریخلی یکرمی برنجی اجتماعنده  
تذکر اولنش ومومی الهک تجاوز ایتدیردیکی اون کونک  
امثالی مثللو سنه ظرفنده کی اوچ آیلق مآذونیتنه محسوبی

تخلیه معامله سندن صکره کچن کانون اول اوخزینه قدر  
تواریخ مختلفه ده مجلس عالی به التحاق ایله دکلری حالده  
هنوز مجلسه التحاق ایدمه یین از میر مبعوثی تحسین بکدن  
مورود و صورت مصدقنه یی مربوط تلغرافنامه دیوان  
ریاستک ۱ شباط ۳۳۸ تاریخلی یکرمی برنجی اجتماعنده  
تذکر اولونمش ومبعوث معذرتنه نظراً بوی خصوصه  
بر قرار اتخاذی خصوصک هیئت عمومی به عرضی تنسیب  
قلتمشدر . میرمومی الهک معذرتی تصویب بیوردلینی  
تقدیرده مالطه دن کلن رفقاندن اک صوکنجیسنک تاریخ  
مواصلتندن اعتباراً مآذون عد اولنه جق و او صورتبه معامله  
یا ییله جقدر اقدم .

بویوک ملت مجلسی ایکنجی رئیس  
و کیلی فائق

آقره ده بویوک ملت مجلسی ریاست جلیله سنه  
برسنه دنبری خسته اولان رفیقهمک اوچ دفعه مهوم  
عملیاته مجبور ایدلمسی و درت آیدن بری خسته خانه ده  
قلمسی وطنه ووظیفه به قاوروشمقلغمی تأخیر ایتدی . تأخیرات  
واقعه دن معذور کورولمکلکمی وشباط اون بئسنه قدر  
مآذون طوئلقغمی استرحام ایدر . وطن ایچون موقفتلر  
دعا ایدرم . اقدم ! اشوتلغرافی استانبول واسطه سیله چکمکه  
از میر مبعوثی  
تحسین

رئیس — از میر مبعوثی تحسین بک آمانیاده بولندینی  
وعائله سنه درت دفعه عملیات پایدردیغی ودها بر مدت  
عائله سیله برابر قالمق مجبوریتنده بولندیغی بیان ایدرک  
۱۵ شباطه قدر کندیسنک مآذون عد ایدلمسی بر تلغرافله  
رجا ایدیور . دیوان ریاست بونی موافق کورمشدر .  
قبول ایدنلر لطفاً ال قالدیرسون ! ( قبول ایدلمشدر اقدم )

هیئت عمومی به

آتیده اسملری محرر ذواتک معذرتلرینه مبنی حذرلنده  
کوسترلیدیکی مدله مآذون عدی دیوان ریاستک ۱ شباط  
۳۳۸ تاریخلی یکرمی برنجی اجتماعنده تنسیب ایدلمش  
اولقله هیئت عمومی نك نظر تصویبنه عرض اولنور اقدم .  
بویوک ملت مجلسی ایکنجی رئیس و کیلی  
فائق

اولمغله هیئت عمومیہ نك نظر تصویبہ عرض اولتور .  
اقدام . ۲ - ۲ - ۳۸

بویوك ملت مجلسی ایکنجی رئیس وکیلی

فائق

رئیس — اشبو تقریری قبول ایدنلر لطفاً ال  
قالدیرسون ! قبول ایدلمشدر .

اقدام ! نواحی قانونك معین کونلرده مذاکره سنه  
دائر ایچایل مبعوثی علی افندی ایلهرقاسنك برتقریرلری  
واردر . او قونه حق لطفاً دیکله ییکیز .

ریاست جلیله یه

ملتك جای سلامت و سعادت نواحی قانونك وقتیه  
اکمال و موقع فعل و تطبیقه قونسنده کورمکده اولدتلز مزدن  
دولایی بوااساسات دائره سنده و هفته ده ایکی کون بوقانونك  
مذاکره سنه حصر ایدلمسنه قرار ویرلدیکی حالده ایلردن  
بری بومور خیره کمالیه ترك ایدلمش اولدینی تأسفله  
کورولسنه و بونك بوموال اوزره امر اکیلی ممکن اوله  
میه جفی تظاهر ایلمسنه بناء بر کون اول اکمال ایدلمك  
اوزره بر موجب قرار قانون مذکورك مذاکره سنه  
تخصیص ایدیلن ایکی کونك بر سابق آکا حصری وامکان  
مساعدا ایه بازار کونلرینك دخی بوقانونك مذاکره سنه  
تخصیصی خصوصتک هیئت عمومیه جه بر قراره ربطی  
عرض و تکلیف ایلرز .

۳۱ کانون ثانی ۳۳۸

یوزغاد	توقاد	کوشخانه	ایچایل مبعوثی
بحری	مصطفی	محمد روشن	علی
قیصری	کنگری	ارزنجان	آطنه
عاطف	بهجت	حسین	محمد حمدی
	درسم	قیرشهر	درسم
	رامز	جودت	مصطفی

سایمان سری بك (یوزغاد) — اقدام ! اساساً هیئت  
محترمه بوقانونك مذاکره سنه معین کونلره تخصیص ایش  
ایدی . بناء علیه ؛ بونی تکراره لزوم یوقدر . بوقرارک  
استعمال ایتدیرلمسی ریاستک آئنده در .

مصطفی بك (قره حصار شرقی) — رئیس بك !

مجلس عالی بونك معین کونلرده مذاکره سنه اولجه قبول  
ایتشدی . آنجق بومسئله دیوان ریاسته عائددر . اوصورتله  
تکلیف ایدلمسنی رجایدرم .

رئیس — بوتقریری قبول ایدنلر لطفاً ال قالدیرسون !  
تقریر قبول ایدلمشدر .

اقدام ! بسیم آتالای بک برتمنی تقریری واردرکه :  
ژاندارمه قره غوللری واسطه سیله جبراً مبايعه ایتدیریلن  
اودون و کورلر حقننده در . بونی دائره عئده سنه حواله  
ایدرز .

مصطفی بك (قره حصار شرقی) — اگر اوله جبراً  
آلتقی کبی بر حال واقع اولیورسه رسماً بر استیضاح تقریری  
ویرلمیدر .

بسیم آتالای بك (کوتاهیه) — اقدام ! جبراً  
طاشیتدیریلیور . کوزرمله کوردم .

مصطفی بك (قره حصار شوقی) — اقدام ! مادامکه  
اوله برشی وقوع بولیور . مافوقدن استیضاح یا بلق  
صورتیه کندیلرینی تجزیه ایدرز .

رئیس — ایجابی اجرا اولتور اقدام . اقدام ! ینه  
کوتاهیه مبعوثی بسیم آتالای بک ژاندارمه ضابط مکتی  
حقننده بر تقریری واردر .

بسیم آتالای بك (کوتاهیه) — رجایدرم ! رئیس  
بك او قونسونده زهیه دوغرو کیتدی کمزی آرقداشلرم  
کورسونلر .

ریاست جلیله یه

ژاندارمه قوماندانلغنججه مرکزده بر [ ضابطان  
مکتبی ] آچیلمش وستاز ایچون طشره لردن ضابطلر  
جلب ایدلمکده و بونلره یوزلرجه لیرالق خر جراهلر  
ویرلمکده ایش . مکتبک معلملرینه دخی بر چوق  
خر جراهلر ویرله رک ، شورادن ، بورادن منسوبلر  
طوبیلانمش . حق ارضروم ولایتدن دخی معلم ضابط  
کتیردلمشدر . بعضر لرده دخی معاش و خر جراه ویرله  
مدیکی ایچون ، دعوت ایدیلن ضابطلر اجابت ایدمه مشلردر .  
بویله ناقص و فوق العاده مصرفلی و بوکون ایچون اول  
قادار فائده لی اولمایان بومکتبک قاپاتدیرلمه سنی نفع خزینه

نامنه تکلیف ایترم ۲۹-۱-۳۸ کوتاهیہ معوثی  
 بسم آتالای  
 مصطفی کال بک (ارطغرل) — رئیس بک! مسئلہ  
 بومکتبک قیادتیرلمسنہ دائرہ در . رجا ایدرم؛ بوخصوصہ  
 مذاکرہ جریان ایسون و مسئلہ قاپانسن حقیقہ؛ بوکون ایچون  
 بزہ ژاندارمہ مکتبک لزومی یوقدر . بزہ حال حاضرده  
 اردو مکتبی لازمدر .

بسم آتالای بک (کوتاهیہ) — تقریرمدہ عرض  
 ایتدیکم وجهلہ ژاندارمہ دائرہ سی برطاقم ضابط مکتبیری  
 آچدی . وعین زمانده برطاقم افراد مکتبیری ده آچدی .  
 بوکا بردرجہ یہ قدر عقلم ایرر فقط؛ بوتیورمش کبی  
 دائرہ مدیرلرینک ابرام واصراری اوزرینہ برده ضابط  
 مکتبی آچیورلر . بوکا تا(بابورد) دن معلم کتیرتیورلر،  
 دیاربکر و سائرہ دن و هر طرفدن برطاقم ضابطان جاب  
 ایدیلیور . کویا بونلر اوراده ستاز کورہ جہارمش ،  
 حالبوکہ: بر، بک، اوراده چیقوب برقونفرانس ویریور .  
 بومقصده ایچون یکرمی بیک لیرایہ یقین پاره صرف  
 ایدیلیور . مملکتک بویله پاریہ محتاج اولدیغی برزمانده  
 وحق بعض یرلرده بش آلتی آیدر معاش ویرہ مدیکمز  
 حالده ، بوپارہ لره صرف اولونیور . رجا ایدرم؛ بواسرا  
 فانه لزوم وارمیدر؛ (یوق سسلری واستیضاحه قلب ایدک  
 سسلری) افندم! استیضاح و سائرہ ایله وقت کچمہ سون .  
 هر دقیقه ایچون یوزلرجه لیرا آقیور . حال حاضرده  
 مملکتده قونفرانسدن زیادہ یوزلیرانک دهہ زیادہ  
 اہمیتی واردر . رجا ایدرم؛ بومکتب بران اول قیادتیرلسون!  
 حسین عون بک (ارضروم) — بودجه مذاکرہ سی  
 روزنامہ ده موجوددر . بومسلہ اوزمان موضوع مذاکرہ  
 اولور .

سلیمان سربک (یوزغاد) — افندم! بسم آتالای  
 بک (عموم ژاندارمہ قوماندانلی برضابط مکتبی آچمش  
 اطرافدن ضابطلری خر جہارلینی ویرمک صورتیلہ  
 جلب ایتدیردک، ستاز یایدیریور) بیوردیلر . حالبوکہ:  
 معلوم عالیلری وجہلہ برطاقم احتیاط ضابطانی ژاندارمہ یہ  
 انتساب ایتشلردر . بونلر قانوناً آلتی آی خدمت ایتدکدن

صکرہ وژاندارمہ مکتبک کشانده مکتبہ اشترک ایدوب  
 اوراده تعلیمات تدریسہ بی اکمال ایتمککده مشروطدر .  
 وقت، وقت ژاندارمہ دن شکایت ایدیورز . حالبوکہ: بونلرک  
 جایی ایله تعلیم و تربیہ لرینہ اعتنا ایدلدیگی ایچون ده معارض  
 بولنیورز . صکرہ بوجلب ایدیان ضابطان یا مجاناً کلیورلر  
 ویا خر جہارہ آلیورلر . مجاناً کلیورلر سہ شکایتہ محل یوقدر .  
 خر جہارہ ویریور سہ وقتیلہ مجلسده قبول ایدیلن بر  
 تخصیصاتی دائرہ صرف ایتش اولیور . بناء علیہ؛ تخصیصا  
 تسز برپارہ صرف ایدیور سہ او وقت مسئول ایدہ بیلر .  
 بناء علیہ؛ تقریرک ردینی تکلیف ایدرم .

امین بک (ارزنجان) — افندم! مسئلہ بودجه  
 مسئلہ سیدر . حسین عون بک سویلدی . ایشیدلمدی .  
 صکرہ ده سلیمان سرب بک دیدیکی کبی ، فضلہ برپارہ  
 ویرلدیگی ده یوقدر . بودجه ایسہ بوکون الہدر . بوکون  
 یارین مذاکرہ ایدیلہ جکدر . عینی زمانده دائرہ عائدہ  
 سندن ده کیمسہ یوقدر کہ: مدافعہ ایتسون . هر حالده مذاکرہ سی  
 جریان ایدہ جک ایسہ دائرہ عائدہ سندن بریسنی جلب  
 ایدوب مذاکرہ سی جریان ایتمیدر . دهہ صکرہ تمنی  
 تقریریدر . عائد اولدیغی دائرہ یه کوندرلمیدر .

قدری بک (دیار بکر) — افندیلر! بسم آتالای  
 بک برادریمز ضابط مکتبہ اعتراض بیوربیور . فقط  
 افراد مکتبی قبول ایدیور . افراد مکتبی قبول ایتدیکنہ  
 نظراً ژاندارمہ تحصیلنک برمسلك تحصیلی اولدیغی ده  
 قبول ایدیور دیمکدر . نضر ضابط اولمق ایچون آروجه  
 برتحصیلہ تابع دیکیدر؛ نفلرکده ایفای وظیفہ ایدہ بیلمک  
 ایچون هر حالده برتحصیلہ تابع اولدیغی قبول ایدیورده  
 ضابط اولمق ایچون آروجه برمکتب تحصیلی کورمک  
 ایجاب ایتزمی؛ صکرہ ۳۳۷ سنہ سنده بر بودجه منوار .  
 بو بودجه ده بز ضابط مکتبی نامنه بر مبلغ  
 قبول ایتدک . بونی تطبیقندن بشقہ برشی یاپیورلر .  
 ارضروم و دیار بکردن معلم کتیرلسی مسئلہ سنہ کلنجہ ،  
 بز بوکون سائر خصوصاتده و شعباتده المزدن کلسہ آروپادن  
 بیله خر جہارہ ویرمک صورتیلہ معلم کتیرہ جکزه . او حالده؛  
 ژاندارمہ ده برمسلك اولدیغنه کورہ کہ: بودجه ده بونی

قبول ایتشمسز . بناءً عليه؛ شمدي به قدر سياست داخله ده نه قدر غير معقول ، غير شعوری حرکت ایتشم ایسهك شيمدی بونی تعقيب ایتمهرك معقول دوشون بر حکومت اصولنه تبعيته حرکت ایده جکز . بوده آنجق ژاندارمه ي برمسلك طابق ، مسلك داخلنده بر تحصیل ، بر تربيه ويرمکه اوله بيلير . اگر او قوماسونلرده شمدي به قدر نصل قير سرداری کبی حرکت ایتدیلرسه ، حرکت ایتسونلر ديه قبول ایتدیلورسه اولشقه . یوق ، اگر علمی برمسلك اوله رق قبول ایتلمش ایسه بونک ایچون ده پاره وخرجراه ويربله جک و مکتب آخيله جقدر .

ممدوح بك ( قره حصار شرقی ) — شمدي به قدر مجلس عالیده ژاندارمه حقنده واقع اولان بر چوق شكايتلرک عیبار کون کلوب ده بوشکایتلرک اورته دن قالفه جعی حقنده بعض تدابیر اتخاذ ایتدیلوب ایتدیه جکنه بنده کز انتظار ایتدیوردم . بك افندیك ويرمش اولدینی تکلیفک ایلک سطر لر یی دیکله دیکم وقتده ظن ایتدیوردم که : صولک زمانده ژاندارمه عموم قوماندانلغک اکتساب ایتشم اولدینی انتظامدن بحث ایتدیه جک و تشکر ایتدیه جک ( کورولتیلر ، میدانده سسلری ) اوت . . صامسونده یانگیز صامسونده دکل ؛ ولایات سائرده بوکون ژاندارمه . . ( کورولتیلر ) بی دیکله به جکسکز . حقک یوق جواب ويرمکه ؛ بوکون یانگیز صامسونده دکل ؛ بوکون ژاندارمه نك ولایات سائرده دکل ؛ بولیده ، دیکر ولایتده و بالخاصه صامسونده . بن آچیق سویله یورم . — جداً بویرلرده موفقیتی ، موضعی بر چوق موفقیتی واردر . بوکون ژاندارمه نك هر یرده ساکتانه موضعی بر چوق موفقیتی واردر . و بونلرک موفقیتی بزله ، هر کون غزته لرده ، کورویورز . ایتدیلر ؛ بوندن ماعدا — رجا ایدرم ؛ سوزیمی کسمه ییکز — ( دوام ، دوام سسلری ) ژاندارمه تعلیم و تربیه ایتدیزسه وضابطی حال مکملیتده بولونمازسه هر هانکی برمسلك اول امرده ضابطاتی تعلیم و تربیه ایتدیزسه او مسلكک آرتق مادون طبقاتنده انتظام آرامق بالطبع جائز اوله ماز . اساساً ؛ موازنه مالیه انجمنده ده بوضابط مکتبی قبول ایتلشدر ؛ ضابطان مکتبی — بو عادتاً بکک بویردقلری کبی — قونفرانس لر دکل ،

ژاندارمه ضابطانک تحصیلی ایچون ، اساسی یایلمش بر مکتبدر ، بر مؤسسه در . کندیك بحث ایتدیکی قونفرانس ده حیه و بریلن و بلاجرت یایلان ضابطانک تنور افکارینه یارار تشبثاتندن عبارتدر . بونک ایچون بك افندیك تقریرلری مناقشه به دکنز ، هیئت و کيله به ده کیتیمی لازم دکلدر . یانگیز بنده کز شونی عرض ایده بیایرم که : بروسيله دوشسه ده دیکر دواورده تحقیقات و یاتفیشات ایچون بر کره ژاندارمه دائره سنه کیدوب ، عموم ژاندارمه قوماندانلغنه تشریف ایتسه لرده اوراده کی حال مکملیتی و انتظامی کورسه لر بنده کز بو قدر سویله یورم .

وهی افندی ( قونیه ) — ایتدم ؛ بوکر سیده هر شیک تکاملاتندن بحث اولور . تکملاتی آرزو ایتدک بر کیمسه اولماز . فقط ؛ تکملاتک یکانه استنادکاهی پاره ، مانع در . مسئله اوراده در . بونکله برابر بك ؛ ایتدیلر بویر یورلر که : بو تخصیصاتی موازنه انجمنی قبول ایتشم . و اساساً ؛ بودجه به قونمش . بودجه ده بولنان بر پاره صرف اولویور . ایتدیلر ؛ بودجه ده پاره وارده نیچون معاش ویرلیور ؛ بودجه به قونلدی ديه هان بو پاره یی بر یول بولوب صرف ایتک واجبمیدر . ؛ او بودجه به قونمش اولان پاره اگر صرف اولونماش ایسه وسنه آتیه به قلمش اولسه باشقه برملته می قاله جق ؛ ینه بوملتک دکلیدر ؛ قدری بك ( دیاربکر ) — قونیه دارالایتمته ویرنجبه سسکز چقیموردی .

وهی افندی ( قونیه ) — بن قونیه ایتاخانه سنه دائر سوز سویله مه دم . اوزمان سویله ایتدیکز . بوندن مؤاخذه ایده مزسکز . بك افندی ؛ اومسئله باشقه ، بومسئله باشقه در . ایتدم ؛ ( دوام سسلری ) صوکره ایتدیلر ؛ ایتکنجیمی بك افندی بویردیلر که : ضابطانک تدریمی لازمدر . ایتدیلر ؛ انضباط مأمورلغی ، اشقیات تعقیبی و نماکتده یولسز قلرک اوکنه کچمک بککک ایله اولماز . دلی محمد بونی یایار . ایتدیلر ؛ ایتساتیسقه باقکیز ؛ مکتبلر یوق ایکن ، ضابطان او قودله دن یعنی ژاندارمه ضابط مکتبی یوق ایکن و خصوصی بر مکتبیدن ژاندارمه چقیماز ایکن عسکر لکده چاوشاق ایتشم نفرلک ایتشم ، مناسب آدملری

ارکان حربیه عمومیہ ومدافعہ ملیہ واخلیہ وکالتندن  
سؤال بیورماسنی تکلیف ایدرم .

۳۳۷ - ۱۲ - ۲۹

دیاربکر

قدری

بوپوک مدت مجلسی ریاست جلیله سنه

۳۱ - ۱۲ - ۳۷ تاریخ و ۱۴۸۱ نومرولو تذکره

جلیله لری جوابیدر .

الجزیره قوماندانلغندن عزل ایدیلهرک تحت محاکمه  
آلماسی تقرر ایش اولان نهادپاشا حقدنه موجود اوراق  
اشتکایه جمع و جلب وتالیف ایدلمش ومواد مشتکا بها  
حقدنه تحقیقات اولیه اوراقی وجوده کتیرمک اوزره  
لازم کلن اسئله کندیسنه کوندلمش اولدیغندن وارد  
اوله جق جوابلره کوره معامله مقتضیه قانونیه تطبیق  
وتعقیب اولونه جقدر اقدم .

۳۳۸ - ۱ - ۹

مدافعہ ملیہ وکیلی

رأفت

قدری بک (دیاربکر) - اقدم ! بکن سنه بودجه  
مسئله سنده موضوع بحث اولمشدی . نهاد پاشا محل مأموریتنه  
کیتمدن واردو قوماندانلغنه تعیین ایدلمدن اول شخصنه  
واقع اولان تعرضدن دولایی حکیم خانده بعض اجرا آتده  
بولمش . بونی صوردق . اووقت جواب آلامدیغمزکی  
بالآخره واقع اولان سؤال تقرر لرئده برشی چیقارهدق .  
بوآدم اوراده بر کره مجرمدر . و مجرم اولدیغنه دائر  
اوراق تحقیقه واردر . بوندن دولایی نیاپیلمش اولدیغنی  
صوریورز . هنوز اوراق تدارک ایدلمه مش ، ایدیله جک  
وکندیسنه بعض سؤالر صورولمش . مجرم ویامتهم اولان  
بر آدم اولورده بورایه نیچون کیور؟ (سیواسده اوطوریور  
سسلری) سیواسده نیچون اوطوریور؟ مدافعہ ملیه  
وکیلی سؤال توجیه ایده جکسه نیچون کتیرته میور؟ بونی  
صوریورم . بو سؤال کافی دکلددر . استیضاحه قلب  
ایدیورم .

رئیس - بر تقرر وریکز ، استیضاحه قلب

ایدیکز اقدم !

مخلدنه ژاندارمه یازارکن هیکز بیلیرسکزکه : مملکتده  
امنیت بوندن دهایی ایدی . اقدیلر ! نه زمانکه : مکتبلیری  
آچدق . ژاندارمه نی اوقوتغنه باشلادق . آسایش قالمده .  
طونله حلی بک ( بولی ) - یشاسون آلایلر !  
برمبعوث بک - معارف وکالتی ملغادر . او حالده ..  
وهی اقدی ( قونییه ) - این یازان و اوقویان  
اقدیلر ! حیانت قیمتی آبی بیلیر . اشقیا اوزرینه وارده ماز .  
اشقیا اوزرینه قوماندان ، اشقیایی تعقیب ایدم جک ژاندا -  
رمه قوماندانی دلی محمد اولمی ، اقدیلر . فائده سزدر بو ،  
رجا ایدرم ؛ حالزی ، موقمیزی دوشونلم . اوکا کوره  
ایش یاپلم .

بسم آتالای بک ( کوتاهییه ) - رئیس بک ! جواب  
ویره جکم ؛ مساعده بیوریکز ؛ حقم دکلی؟ ( کورتلیر )  
صالح اقدی ( اضروم ) - هیئت عمومیه مذاکره نیک  
دوامی ایستیور . سز نه ایچون مانع اولیورسکز؟  
رئیس - اقدم ! بوتقریری حکومته تودیع  
ایده جکم .

رئیس - بوتقریرک حکومته حواله سنی قبول ایدنلر  
لطفاً ال قالدیرسون ! قبول ایدلمشدر .

برمبعوث بک - رئیس بک ! قاچ رأی ایله

بسم آتالای بک ( کوتاهییه ) - رئیس بک ! بن  
استرحام ! ایتدیکم حالده حقیعی عصب ایتدیکنز .

رئیس - رجایدرم !

سعدر مبعوثی مصطفی صبری اقدینک عدلیه امورینه  
دائر عدلیه وکالتندن سؤال تقررینی عدلیه وکالتنه  
کوندریورز .

ایچ ایبل مبعوثی شوقی اقدینک داخلیه وکالتندن سؤال  
تقررینی داخلیه وکالتنه کوندریورز .

نهاد پاشا حقدنه دیاربکر مبعوثی قدری بکک سؤال  
تقررینه مدافعہ ملیه وکالتنک جوابی اوقونه جق .

ریاست جلیله

الجزیره جبهه قوماندانلغنده کی سوء استعمالندن دولایی  
وظیفه سندن عزل ایدیلهرک محکمه یه ویرلمسی تقرر ایش  
اولان نهاد پاشانک الیوم هانجی محکمه یه ویرلمش اولدیغنک

بویوک ملت مجلسی ریاست جلیله سنه

معارف ناظری شگری بکه آقره حکومتدن نیچون معاش ویرلدیکنک و بوبابده هیئت و کیله جه متخذ قرارک نه کی اسبابه مبنی بولندیغنک سؤالنه دأثر ۶ - ۱۱ - ۳۷ تاریخ و ۱۱۱۱ نومرولو تذکره سامیه ریاستناهیلیری ایله صورتی ارسال بویوریلان مبعوث وهی بک تقررری قرائت ایدلدی . معلوم سامیلری اولدینی اوزره وطنه و آمال ملته مربوطیت و خدمتلی مشاهدده ایدیلن ذواته هر زرده اولورسه اولسون، آنلرک وظیفه و وظیملرینی خاطرلادقلری کچی حکومت ملیه بکده بو خاطره مقدسه اصحابی دوشونمسی بروظیفه مهمه در . واسته داف ایدیلن بو غایهه مبنیدر که مبعوثان کر آمدن بعض ذوات منعی ید اختیارلرنده اولمیان اسباب مجره و مانعه دولایسییه، برمدت بورایه کلمه که موفق اوله مدقلری حالده مخصوصاتلری تأدییه اولنمشدر . بو جمله دن اوله رق، وطنه مربوطیت و آمال ملیه یه خدمتلی سببیه انکیلرل طرفدن توقیف اوله رق، بالآ خرده فعلاً ، قالاً ، قلماً خدمت وطنیه دن محروم براقق املیه مالطیه کوندر دکلری ذواته هیچ اولمازسه افراد عائله لرینک اومعیشتلرنده بریاریم اولمق اوزره بونلر میاننده معزولیت معاشنه کسب استحقاق ایتدکلری حالده، هنوز آلامش اولانلرده اصولاً تاریخ عزللرندن اعتباراً مستحق اولدقلری معاشک تخصیصیه بوراده بولنانلرک کنیدیلرینه و مالطه ده اولانلرک عائله ویا معتمدلرینه اعطاسی تقرر ایتدیرلمشدر . شگری بکده مالطه موقوفینی میاننده اولسی و قراردن استفاده سنه اسباب و وثائق رسمیه ده بولنمسی حسسیله وقوع بولان مراجعتنه مبنی تعریفات قانونیه دأثره سننده اخذ اولتان سسجل ورقه سی ومدت خدمت جدولنه نظراً تخصیص معاش ایدلدیکی عرض اولتور اقدیم .

اجرا وکیللری هیئتی ریئسی  
 وارکان حربیه عمومیه وکیلی  
 فوزی

وهی افندی (قونیه) — افندیلر ! بن بوسوالی  
 صورالی بلکه بش آی اولدی . جوابی بش آیدر تأخر

علی سروری افندی (قره حصار شرقی) — سؤال  
 ورقه لری عائد اولدینی وکالتلره کوندرلمزدن اول هیئت  
 جلیلیه معلومات ویرلمز . کوندریلیر ، اوندن صکره  
 معلومات ویریلیر و اوندن صکره مذاکره ایدیلیر .  
 نظامنامه من بویله در . تعاملمز بوندن عباوتر .  
 رئیس — او یله یاپیلیور فقط ؟ بوجوابدر اقدیم .  
 قونیه مبعوثی وهی افندیکنک معارف ناظر سابقی  
 شگری بک حقنده کی سؤال تقررینه هیئت وکیله ریاستندن  
 مورد جواب وار . او قونیه جق :

بر مبعوث بک — نهاد پاشا مسئله سی نه اولدی رئیس بک ؟  
 رئیس — نهاد پاشا مسئله سنده سؤال صاحبی بر تقرر  
 ویرر ؛ استیضاحه قلب ایدرز .

مصطفی بک (توقاد) — نصل اولور اقدیم ؟ هر کس  
 ایسته دیکی رده ایسته دیکی کچی حرکت ایتسون ! بزبورایه  
 ملتک حقوقنی محافظه کلدک .

رئیس — ملتک حقوقنی مدافعه یه مأمور ایسه کز  
 بر تقرر ویرر سکره مسئله نی حل ایدرز .

سلیمان سری بک (یوزغاد) — ظن ایدرم ؟ نظامنامه  
 بویله در . سؤال صاحبنه صورارسکرز . جوابی کافی  
 کورییورمی ؟ کورمیورمی ؟ کورمزسه استیضاحه  
 قلبنی تکلیف ایدر ورایه قورسکرز .

رئیس — کنیدیلرینه صوردم اقدیم ! مسئله سؤال  
 صاحبنه عائددر .

امین بک (ارزنجان) — استیضاحه قلب ایدیورم ، دیدی .  
 رئیس — رجا ایدرم ! مسئله قیامشدر .

ریاست جلیلیه

استانبولده وسفر برلکده معارف ناظر اسبقی شگری بکه  
 آقره حکومتی طرفندن معزولیت معاشی ویرلدیکنی  
 ایشدنک . شگری بک ملته قارشی تبریه ذمت ایتدیکی کچی  
 استانبولده معارف ناظری اولان برذاته آقره حکومتندن  
 نیچون معاش ویریلیور ؛ وهیئت وکیله نک نه کی اسبابه مبنی  
 قرار ویردکلرینک هیئت وکیله ریاستندن سؤال اولنمسی  
 تکلیف ایلرم .

۵ تشرین ثانی ۳۳۷

نیکده  
 مصطفی حلمی  
 قونیه  
 وهی

ایتدی ؛ بیلیم نه حکمته مبنی کله مدی . شمعی ایتدیله !  
 معارف ناظر سابق شکرى بك بر کره استانبولده  
 نظارتده بولندی . بو حکومتله علاقه سی یوقدر .  
 ایکنجیسی ایتدیله : معارف ناظر سابق شکرى بك  
 ملك و ملتى شوخاله کترین قاینه ده داخلدر - بونلر  
 کندیسنه سؤال اولمش ، جواب ویرلمش ، برائت ایتشمیدر که :  
 بو حکومت شکرى بکی بسله یور ؟ ایتدیله ! مالطه ده بولندی  
 مدت متراکم معاشنی آلدینی کبی بورایه کله لی ده ای  
 بیلیمورم ، آیده یا طقسان آلتی و یا خود یوز لیرا هر حالده  
 ویرلمکده در . جهه ده حال معلومدر . سوله مک ایسته .  
 میورم . رجا ایدرم ! بن بوسؤالی کافی کور میورم .  
 مالیه وکیلی بك ایتدین آریجه صوردم . چونکه بوکا  
 جواب کله نیجه بریزده طاقتیله (شکر مسئله سندن مضموندر  
 سسلی ) او مسئله نی بیلیمورم ، بو سؤاله جواب  
 ویرلمه جت امیدیه مالیه وکلتنده آریجه صوردم .

بن بو جوابی کافی کور میورم . مالیه وکیلی کلسون ! شو  
 کرسیدن شو پاره نی زردن ویریور ؟ وهانکی خدمتی  
 مقابلی ویریور ؟ شو تذکره ده دیور لر که : مملکته واقع  
 اولان خدمات بیلیم نه سنه مکافات ! .. شکرى بك مملکته  
 نه کبی خدمت ایتدی ؟ رجا ایدرم ! مملکتی تخریب ایتدیله ،  
 رسوای ایتدیله ، مملکتی نحو ایتدیله ، بو حاله  
 کتیردیله . قهر اولسون ! (قهر اولسون صدالری) قهر  
 اولسون ، قهر اولسون !

اوپر اتور امین بك ( بروسه ) — بوراده اولیان  
 بر شخصی تحقیر ایتک انسانیته یا قیشماز . بن اونک طرفندن  
 خواجه ایتدی یه رد ایدیورم .  
 وهی ایتدی ( قونیه ) — ( شدتلی وسوره کلی  
 کورلتیلر ) سن نه آکلار سک به ؟ او طور ، او طور .  
 رئیس — اون بش دقیقه تنفس ایدمک اوزره جلسه نی  
 تعطیل ایدیورم . ۳،۳۰ ساعت

ایکنجی جلسه خفیدر

